



EBAZPENA, 2011ko maiatzaren 2koa, Hezkuntza sailburuordearena, “Francisco Escudero” (Donostia-San Sebastián), “Jesús Guridi” (Vitoria-Gasteiz), eta “Juan Crisostomo de Arriaga” (Bilbao), Lanbide irakaskuntzako Musika Kontserbatorioen 2011-2012 ikasturterako eskola-egutegia egiteko osagarritzko arautegia ematen duena.

“Francisco Escudero” (Donostia-San Sebastián), “Jesús Guridi” (Vitoria-Gasteiz), eta “Juan Crisostomo de Arriaga” (Bilbao), Lanbide irakaskuntzako Musika Kontserbatorioen 2011-2012 ikasturterako eskola-egutegia ondoko honi lotuko zaio:

1.- Iraileko azterketei, ebaluaketei eta ikasturte berriaaren hasierarekin zerikusirik daukaten betebeharrak guztiei, irailaren 1ean hasiera emango diete Lanbide irakaskuntzako Musika Kontserbatorio guztiek.

2.- 2011-2012 ikasturteko klaseak ezingo dira 2011ko irailaren 16a baino beranduago hasi, ezta 2012ko ekainaren 22a baino beranduago bukatu ere.

Azken eskola-eguna eta ekainaren 29ra bitarteko epea ikasturteko azken azterketa ezberdinak, ikasturtea berrikusi eta ebaluatzeko lanak, programaketak, Urteko Txostenaren prestakuntza eta beharrezko diren eginkizun administratibo guztiak egiteko erabiliko da.

Uztailean zehar Zuzendaritza Taldeko kideek, euren karguen propio diren zereginak beteko dituzte. Hilabete horretan eta klaseak ematen ez diren ikasturteko beste aldietan, (abuztuan salbu), zuzendaritza-taldeko kide bat, gutxienez, beti izango da ikastetxean edo berehala ikastetxean izateko moduan.

3.- Ikasturte barruan ikasleekin iharduteko egun kopurua, gutxienez, 175ekoa izango da, hauetako 160, gutxienez, klase-egunak izango direlarik.

2011-2012 ikasturtearen aurkezpena egiteko erabiliko den eguna klase-eguntzat hartuko daiteke.

Aipaturiko 160 klase-egunak ezingo dira ikasturteko azken azterketak, gradu, nota, sari, matrikula, sarbide zein aukeraketakoak egiteko erabili. Era berean, ezingo dira klaseak utzi ebaluaketa aldiak, gainditu gabeko irakasgaiak dituzten ikasleentzako azterketak edota ebaluaketa-batzarrak edo klaustroak egiteko.

Ikasleek egin ahal izango dute etengabeko ebaluazio-prozesuan gainditu ez dituzten irakasgaien aparteko proba bat. Proba hau ekainean egingo da, kontserbatorioetako eskola-egutegietan aurreikusitako 160 klase-egunek bukatu ondoren.



4.- Ezinbestekoz klase-egun gutxiago beteko balitz, berregokitu egin beharko da egutegia, 160 egunotara iritsi arte, beti ere langileen eskubideak betetzen direlarik.

Nahiz eta egunen batean ikasle batzu edo ikasle guztiak klasera ez joan, Ikastetxeak klaseak ofizialki programaturiko ordutegiaren arabera eskaintzen jarraitu behar izango du.

Egutegia berregokitu behar denean hasieran egiteko erabili zen prozedura berbera jarraituko da.

Dagokion Aginte-organoak ez badu berregokitze proposamenik egiten, Hezkuntzako Ikuskaritzak egin dezan eskatuko dio. Erantzunik ezean, Hezkuntzako Ikuskaritzak egutegia berregokitu eta ikastetxeari jakinaraziko dio.

5.- Eskola-egutegia egiteko, dagokion urteko Autonomia Erkidegoko lanegunetako jaiegunen egutegi ofizialaren arabera jaiegun izaera dutenak izango dira jaiegunak, baita herri edo dagokien lurraldeko zaindarien jaiegunak ere. Edonola ere ezin izango da jaiegun hauetakoren bat eskola-egun edo eskolak ematen diren egun bezala hartu.

Ikastetxeek, nahi izanez gero, jaieguntzat hartu ahal izango dute mailako zaindariaren eguna, dagokion egunean zein aukeratzen duten ordezkaturako beste egun batean ospatuz. Edonola ere ezin izango da jaiegun hori eskola-egun edo eskolak ematen diren egun bezala hartu.

6.- Eguberritako oporraldiak 2011ko abenduaren 24tik 2012ko urtarrilaren 6rarteko aldia, gutxienez, hartuko du, bi egun horiek barne.

Aste Santuko oporraldiak, 2012ko apirilaren 5etik 9ra bitarteko aldia, gutxienez, hartuko du, bi egun horiek barne.

7.- Eskola egutegiaren proposamena tramitatzeko 2008ko martxoaren 10ean Hezkuntza, Unibertsitate eta Ikerketa sailburuak emandako Aginduko 9. atalean ezarritakoari jarraituko zaio, (2008ko apirilaren 25eko EHAA).

2011ko ekainaren 1a baino lehen, ikastetxeetako zuzendariak hurrengo ikasturteko eskola-egutegiaren proposamena igorriko dute dagokien Hezkuntzako Lurralde Ordezkaritzara, eskuduna den gobernu-organoak hori onetsi zuen bilkurako aktaren kopia erantsiz.



Ikastetxeek, Hezkuntza, Unibertsitate eta Ikerketa Sailak horretarako espreski diseinaturiko aplikazio informatikoa erabiliz egin behar dute proposamena, beti ere Hezkuntzako Ikuskaritzak jakinaraziko dien argibideak jarraituz.

Egutegi proposamena ikastetxeko O.O.G.k egingo du, baina ikastetxeren batean organo hori osatu gabe badago, irakasleen klaustroak egingo du egutegi proposamena.

8.- Erabaki honek ezartzen duena nolabait aldatzeko, egoera berriazkoa kontutan hartuz (ikasturte, sari, gradu zein mailaren amaierako azterketak, sartzeko probak eta abar), dagokion Hezkuntza-ordezkaritzak ontzat-eman egin beharko du. Zentruak aurrez eta espresuki eskabide arrazonatuaren bidez eskatuko dio proposatzen duen plangintza berria aurkeztuz.

9.- Ikastetxeren batek, finkatutako epealdiaren barruan beren eskola-egutegiaren proposamena bidaltzen ez badu, edo bidalitakoa onartzen ez bada, dagokion Hezkuntza Lurralde Ordezkariek egingakoa onartu behar izango du.

Vitoria-Gasteiz, 2011ko maiatzaren 2a

HEZKUNTZA SAILBURUORDEA

Izp: M^a Antonia Ozcariz Rubio